



Mu by'ukuri abantu iyo barebereye umunyamahugu ntibamubuze, baba bari hafi yo kugerwaho bose n'ibihano bya Allah

Hadith yaturutse kwa Abu Bakri A-Swidiq (Imana imwishimire) yaravuze ati: Yemwe bantu! Mu by'ukuri musoma umurongo wa Qur'an ugira uti: {Yemwe abemeye! Nimwimenye (mugandukire Allah, mukore ibikorwa byiza mwirinda ibyaha). Nimuramuka muyobotse (mukabwirizanya gukora ibyiza ndetse mukanabuzanya gukora ibibi) abayobye nta cyo bazabatwara...} [Al Maidat:105], kandi numvise Intumwa y'Imana (Imana iyihe amahoro n'imigisha) ivuga iti: "Mu by'ukuri abantu iyo barebereye umunyamahugu ntibamubuze, baba bari hafi yo kugerwaho bose n'ibihano bya Allah." [Hadithi y'impamo] [Yakiriwe na Abu Dawud na Tirmidhiy na A-Nasa'iy mu gitabo cye Sunanul Kubra, na Iibun Madjah na Ahmad]

Abu Bak'ri A-Swidiq (Imana imwishimire) aragaragaza ko abantu basoma uyu murongo: {Yemwe abemeye! Nimwimenye (mugandukire Allah, mukore ibikorwa byiza mwirinda ibyaha). Nimuramuka muyobotse (mukabwirizanya gukora ibyiza ndetse mukanabuzanya gukora ibibi) abayobye nta cyo bazabatwara.} [Al Maidat: 105]. Bagasobanukirwa ko umuntu aba akwiye kwimenya no guharanira gutungana we ubwe gusa, kandi ko uzayoba nyuma yaho ntacyo bimutwaye, kandi ko adategetswe kubwiriza ibyiza no kubuza ibibi! Abu Bak'ri yabwiye abantu ko atari ko bimeze, ko ahubwo yumvise Intumwa y'Imana (Imana iyihe amahoro n'imigisha) ivuga iti: Iyo abantu babonye umunyamahugu ntibamucyahe ngo bamubuze, kandi babifitiye ubushobozi, biroroshye ko bose bagerwaho n'ibihano bya Allah, bikagera ku wabikoze, n'uwabirebereye ntagire icyo avuga.

<https://sunnah.global/hadeeth/rw/show/3470>

